

գնուատութիւնն իմ, և վաղվաղակի վերոգրեալ անձն պատրաստեաց ի տան իւրում զխուց մի, և յոյժ ուրախ եղև ժողովուրդն վասն զալստեան իմոյ ասելով, թէ ահաւս սիկ ի վաղուց հետէ սպասէաք այցելուի: Եւ յետ խօսակցութեանց բազմաց գնացաք ընդ տէր Մանուէլին առ վիզարն տեղւոյս, և մատուցաք նմա զգիրն սրբոյ ժողովոյն, նունցին և եպիսկոպոսին. և մինչ նա ընթերցաւ զգիրն եպիսկոպոսին՝ ասաց ազդ առնել հայոց, զի յեկեղեցիս իւրեանց հաւաքեսցին, և ես փութով եկեալ ծանուցից ժողովրդեանն և յանձնեցից քեզ զեկեղեցին, և արար այնպէս ըստ որում ասաց, և յորժամ նա եկն ի յեկեղեցին հայոց՝ ունէր ընդ իւր զմի քանոնիք՝ և զսէկրիթարն եպիսկոպոսին, և զգրեանս իմ առաջի ժողովրդեանն ընթերցաւ, և ասաց նոցա թէ սա է հովիւն ձեր և պարտիք նմա հպատակիլ...: Իսկ ի յերկրորդում աւուրն գնացաք առ մարքէզ ֆօթան, որ է յոյժ անուանի և է փոխանորդ բրինձին և ճէնուալին, զի սոքա ոչ են աստ այլ ի վէնա...: Եւ յետ այսորիկ գնացեալ գտաք զՅովհաննէս եպիսկոպոսն, որ է Ժիր և առողջ, և ոչ նստի ի տան իւրում, այլ շրջի այսր և անդր, և ըստ մեծն մասին ուտէ ի տան մեծամեծաց, թէ ի մէջ հայոց և թէ ի մէջ ֆռանկաց, ոչ ունի զկեղտ անուն...: Իզմիրցի տէր Մանուէլն ասաց ինձ. լաւ է որ յաւուր վերափոխ(մ)ան Աստուածածնայ պօնսինեօրն թագիւ պատարագիցէ... նա և մի տիրացու եցոյց ինձ զտետրակ մի տսելով, թէ զսոյն երգս եպիսկոպոսն է շարադրեալ՝ փոխանակ Առաւօտ լուսոյին, զնա ևս արգիլեցի: 3, 4 տիրացու ունին, որոց մինն աճէմ և մնացեալքն են տեղացի, սոքա ամենեքեան լաւ ձայն ունին, սակայն այնպէս պոռան, որ ոչ երբէք ուրեք տեսեալ էի... զձայնաւոր պատարագն և փառք ի բարձունն ծնծղայիւք և զանկալօք առնեն, աստ է համբերելի և տանելի, երկայն շուրջառով, երկայն շապկով առնեն թէ զթիւ պատարագն և թէ զձայնաւորն...: Ժողովուրդն միայն յաւուր կիրակէի և տօնի զան յեկեղեցին, այն ևս յառաւօտն և ոչ յերեկոյն, երբեմն լցաք առաւօտուէն սկսին, երբեմն փառք ի բարձունէն, և երբեմն Տէր զի բազումէն...: 35 տուն հայք գոն աստ, 25 ևս պէքեառ... Հայոց տունն ոմն այս ինչ և ոմն այն ինչ տեղի, ոմանք կարի յոյժ հետի են ի յեկեղեցւոյ. ամառն թօզ, և ձմեռն սաստիկ շամուռ լինի...: տեղւոյս կանայք խիստ բաց են, թէ ալք և թէ կանայք խիստ զինեսէր են, նա և առանց ջրոյ ըմպին զգինին, դառբուզով, լոկ սեխով, պոռկով, խըյարով, և ոչ հացով գինի և ռախի խմեն: Պատրոց վանքն գնացաք և խըյարէ թուռչի տեսաք, պարզ գինի տուին և մէզէյի տեղ հաց տուին, հացն մանտրեն և ի վերայ հացին աղ ձանեն և իբրև մեզէ մատուցանեն. խիստ բռնադատեն զմարդն, ջրով խմել չեն գիտեր, խըյարէ սալաթն կուտեն և ապա ռախի խմեն: Զկերակուրն ևս շատ կուտեն, ես միայն ըստ մարգարէին ջրով խմեմ, 3 մարդոյ ուսուցի ջրով խմել, որոց մինն կարի յոյժ տկար էր, հազիւ ի գիշերի 1 սահաթ ննջէր, կերակուրն և գինին կարգադրեցի, թէ այսպէս կեր և այնպէս խմէ, այժմ ուտէ և բարւոք ննջէ. կերակուր ուտել ևս չեն գիտեր, այս շողոյս ի մէջ կերակրին ահագին աղ, պիպէտ, սղտոր, սոխ զնեն...:

Նուաստագոյն ծառայ

Եղիա վարդապետ

Յամի տեառն 1732

յօգոստոսի 23

[Պեղկրատ]

1. Ռէյմոնտու անուամբ, ինչպէս այլուր յիշատակուած է: